

SARS E TŠWELAPELE GO FANA KA DITIRELO

PRETORIA, Labohlano 29 Matšhe 2019 - Ditshepetšo tša Khastom tša SARS ka dikgorong tša boema, kudu ka mellwaneng, di tšwelapele ntle le ditšhitišo.

Mellwaneng ka ka moka ya Khastom e tšwelapele ka ditirelo tše di beakantšwego. Ba Khastom ba hweditše thekgo e ntši go tšwa go diagente tša tiišetšo ya molao go rapalala le mellwane ka moka, kudu go tšwa go Ditirelo tša Maphodisa tša Afrika Borwa, gomme se se dirile gore ba se amege kudu. SARS e sekasekile dipego tša phatlalatšo ya ditaba, tšeo di laeditšego palo e ntši ya ditheraka tšeo di bego di tletše mmellwaneng ya mo nageng, tšeo di ka bego di bile gona ka lebaka la sephethephethe sa go tlwaelega gape e sego ka lebaka la go teraeka, ka ge ditheraka di emela go lekodišišwa pele di tloga.

SARS e eleditše dinaga mabapi, Ditšhaba tša Southern African Development Community (SADC) le Southern African Customs Union (SACU) ka ga seteraeke mo matšatšing a mmalwa a go feta, gore ba se makale. Se ga se se bake kamano empe go bona.

Go bile le mabaka a go fapana a go leka go tšhošetša maloko a bašomi le go šitiša kelelo ya sephethephete mellwaneng, eupša maemo a ile a tlhaganelwa ke ba SAPS. E mongwe wa moofisiri wa SARS o ile a golegwa ka mollwaneng wa Lebombo, gomme ga re tsebe ka ga diragalo tše dingwe goba ditieo.

Mabapi le makala a SARS, SARS e tšwelapele go lekola tše di diragalago mahlakoreng ka moka, gomme dipego di ka fihlelelwa ka wepsaete ya rena le twitter feed @sarstax. Dintlha mabapi le ditirelo tša makala, gammogo le seo o ka se dirago ge o sa kgone go fihlelela lekala la SARS, ditirelo di ka hwetšagala ka diplatformo tše.

Gotšwa makaleng a 53 a SARS naga ka bophara, makala a 33 a tswaletšwe ka lebaka la go fokola ga palo ya bašomi. Setšhaba sa Afrika Borwa se tlhohleletšwa go diriša mekgwa e mengwe ya ditefelo:

Bakeng sa ditefelo tša Motšhelo:

- Ka lekaleng la pank;
- Ka EFT; goba
- Ka [eFiling](#).

Go hwetšwa tshedimošo enngwe ka ga boikgethelo bja tefelo ya Motšhelo, etela '[How do I Pay](#)'.

Bakeng sa ditefelo tša Khastom:

- [eFiling](#); goba
- Ka EFT.

Go hwetša tshedimošo enngwe ka ga boikgethelo bja ditefelo tša Khastom, etela etela letlakala la wep la Ditefelo tša Khastom go www.sars.gov.za.

Mabapi le dipotšišo tša dikoloto tša go šalela morago le peakanyo ya ditefelo tša go diega, dikgopelo di ka romelwa go diaterese tše di latelago tša emeile:

• Debt1@sars.gov.za bakeng sa lekala la Alberton (go akaretša Nigel, Germiston, Brakpan, Boksburg, Benoni, Vereeniging le Springs)

- Debt2@sars.gov.za bakeng sa Pretoria, Diprofese tša Limpopo le North West
- Debt3@sars.gov.za bakeng sa diprofense tša Kwazulu Natal le Eastern Cape
- Debt4@sars.gov.za bakeng sa diprofense tša Western Cape, Northern Cape le Freestate
- Debt5@sars.gov.za bakeng sa Megawatt Park (go akaretša Johannesburg, Roodepoort, Randfontein le Krugersdorp)

Mola SARS e lemoga ditokelo tša Molaotheo tša tokelo ya bašomi ya go teraeka, go tloga go le bohlokwa gore mmušo o kgonthišiše gore di na le ditlabela tša maleba go kgona go fa badudi phihlelelo ya ditirelo tša maphelo, dijo le meets, thekgo ya leago, dintlo le thuto ya motheo.

SARS e dira tšohle ka maatla ka moka go rarolla dingangišano.

SARS e hweditše taetšo ya nakwana ya Kgorotsheko ya Bašomi ya go thibela maloko a Mekgatlo ya Mešomo gore ba se kgone go gwanta mafelong ao sa laetšwago go ya ka taetšo ya Melao ya go Gwanta ya CCMA yeo e phatlaladitšwego ka 18 Matšhe 2018. Se se latela go gwanta mo go sego molaong le mekgobokano e mmalwa yeo e diragetšego ka ntle ga mafelo ao a dumeletšwego, e lego, Ofisikgolo ya SARS ka Brooklyn, Pretorius le Alberton Campus.

SARS le Mokgatlo wa Bašomi ba kopana lehono, ka Labohlano, 29 Matšhe 2019 ka CCMA go rerišana ka semmušo ka maitekelo a go fetša Melao ya go Gwanta.